

TENISA



Ivan Lendl eta Goran Prpić irabazi zion final laurdenetan.

EFE

Patrick McEnroe final erdian munduko hiru onenekin batera

MELBOURNE

Patrick McEnroek Australiako lehiaren final erdian sailkatzea lortu du, Stefan Edberg, Boris Becker eta Ivan Lendlekin batera. Munduko hiru tenislari onenak eta John McEnroeren anaia gaztea, denboraldi estraineko Grand Slamaren finalera sailkatzeko lehian dira, beraz, Melbournen.

McEnroe gazteak parerik gabeko grina erakutsi zuen Cristiano Carattiren kontrako partiduan, final laurdenetan. Lehenengo seta 7-6 irabazi eta bigarren 3-2 aurreratuta zihola, bizkarrean zaintiratu izan eta atsedenaldia eskatu behar izan zuen.

Jarraitzeko modua izan zuen ordea, eta Patrick 7-6, 6-3, 4-6, 4-6 eta 6-2 gailendu zitzaion Carattiri, hiru ordu 1' erdi luzatu zen partiduan.

Boris Beckerren kontra jokatu beharko du estatubatuarrek final erdian, alemaniarrek 6-2, 7-6 eta 6-3 irabazi ondoren Guy Forget frantziarari. Becker estraineko aldiz iritsi da txapelketa honetan azken saiora, eta finalerako bidea ez du itxuraz zaila. McEnroe 114. postuan bait dago ATPren sailkapenean.

Stefan Edberg ez zion Jaime Yzagari ezustekoa emateko aukerarik utzi. Suediarrak, aurrean inoiz izan den tenislari onena baitluten jokatu zuen, guztiz kontzentratuta, eta 6-2, 6-3 eta 6-2 irabazi zion peñarrari.

Estraineko jokoa Yzagari sarea hautsiz hasi zuen partidua Edbergekin, eta honek zer eginik ez zuela ikusirik, behera etorri zen. «Partidua osoan Edberg sare ingurura noiz igoeneko erne egon naiz —adierazi zuen Yzagari partidua amaieran—. Kezka horrekin, kokilduta jokatu dut. Edberg, zelai kanpotik dirudien baita, eskuin hobia du, eta nik minutu gutxitan partidua galdutzat eman nuen». Yzaga kanpoan geratu arren

ez du emaitza txarra lortu, hogei-tahamabi urtean estraineko aldia bait da peruar bat Grand Slameko txapelketaren final laurdenetara sailkatzen dena.

**LENDL
ETA
EDBERG**

Ivan Lendl txekoslovakiarrak Goran Prpić kanporatzea lortu zuen, azkenengo bi set uste baino gehiago zaildu arren. Lehenengoan erraz menderatu zuen jugoslaviarra, bikain jokatu. Ondoren, ordea, arreta gehiago eskaini zien itokinei jokoari baino. Prpićek bi setak seina berdintzea lortu zuen, baina Lendlen esperientzia erabakiorra izan zen orduan, tie-break biak erraz irabaziz. Azken emaitza 6-0, 7-6 eta 7-6 izan zen, txekoslovakiarraren alde.

Edberg eta Lendl finalerdietan neurtuko dira beraz, bihar, eta iaizko finalaren errebanxa ezinezkoa izango da. Orduan, Lendl eskuratu zuen titulua, suediarrek urdaileko arazoengatik ezin izan zuelako partidua amaitu.

**EMAKUMEZKOEN
BART
FINALERDIAK**

Arantxa Sanchez Vicariok honez gero jokatu zuen Jana Novothnaren kontrako emakumezkoen estraineko finalerdia. Duela hamabost egun, Sidney Novothna 6-4 eta 6-2 nagusitu zitzaion espainiarri, eta elkarren arteko partiduen emaitzak ere txekoslovakiarraren aldekoak dira. Bost partidutik bakarira irabazi du Sanchez Vicariok, 89an Roland Garrosen. Moralez gainezka izango da gainera Novothna, final laurdenetan Steffi Graff kanporatu bait zuen.

Bigarren final erdia, Monica Seles jugoslaviarra eta Mary Joe Fernandez estatubatuarrek jokatu behar zuten: txapelketako bigarren eta hirugarren zerrendaburuek, alegia. Elkarren arteko azken bi neurketetan, Los Angelesen eta 90eko Mastersean, erraz nagusitu izan da Seles.

PILOTA

Salaberria: «Aurreko kuadroetan gehiago jokatzeko asmoa daukat»

Hirugarren partidua ere luze joango denaren susmoa dauka Goizuetakoak

Anoetan jokaturako partiduan behin eta berriz jaso zituen Salaberriak zaletuen txaloak. Izan ere, txapelketako ezuste nagusia izan da Goizuetakoa. Orain arte egindako jokoarekin gustora baldin badago ere, ez dio inolaz ere txapela irabazteari uko egiten.

MIKEL ARRIETA / DONOSTIA

Jose Julian Salaberria izan da Eskuz Binakako Txapelketako nobedade nagusia. Hasiera batean enpresarietaz baztertuta, Mikel Unanueren lesioaren ondorioz sartu zuen Goizuetakoa aurreko kuadroetan. Txapelketa honetan aritzeko adinako joko maila duela erakutsi du jadanik Salaberriak, «urtero honelako papera eginez gero konformatuko nintzateke».

Hala ere, txapela irabazteari ez dio inolaz ere uko egiten, «kunplizeaz gain, ahalik eta ongien jokatu nahi izaten dugu pilotari guztiek. Horrek erresposabilitatari ehandia ematen du». Txapela irabazi nahiak ordea, ez du Goizuetako itsutsen. «Partiduan baino txapelan pentsatzen jokatu genuen aurreko partidua. Orain berriz, nik behintzat Galarzak ez dakit, ez dut txapelan horrenbeste pentsatu. Ahalik eta ongien jokatu eta irabazten baldin badugu hobeto».

Aste honetan zehar behin eta berriz aipatu da Salaberriaren urduritasuna, eta askok hor ikusten dute



Txapelan baino partiduan pentsatuko duela dio Salaberriak. CARLOS VILLAGRAN

partiduko klabeetako bat. «Mementuz behintzat lasai nago, bihar ikusiko dugu nola erantzuten dudan».

**RETEGIRI
AURREAN
JOKATU**

Fernando Arretxek eta Ladis Galarzak partidua atzoko kuadroetan erabakiko dela adierazi zuten atzo orrialde hauetan. Salaberriak ordea, Retegirekin aurreko kuadroetan nor-

gehiagokan ibiltzea zaila dela jakin arren, saiatuko da. «Aurreko kuadroetan gehiago jokatzeko asmoa daukat, baina partidua hasi arte ezin izango dugu erabaki». Asteartean hautatutako pilotekin, gustora agertzen da Goizuetakoa. Ladis Galarzaren pilotakadei aurre egiteko asmoz, aurreko bi partiduetan baino pilota arinagoak hautatu dituzte.

Retegi II: «Arriskatzeko duenak partidua galdu egiten du»

M.A. / DONOSTIA

Gutiz sendaturik ez baldin badago ere, Julian Retegi ostiralean jokatzeko prest dago. Hamabost egun hauetan ez du deus ere entrenatu, eta biharko partidua izango da lesioaren osteko lehen saioa. Erasungoak Eskuz Banakako Txapelketan pentsatzen du jadanik, eta ez zuen partidua hau gehiago atzeratu nahi.

Retegiren ustez Galarza menderatzea da gakoa, «hori eginez gero irabazteko aukera handia edukiko genuke». Galarza menderatzeko, Retegik behin eta berriz lagundu beharko du Arretxe atzeko kuadroetan, eta Erasungoak dioen bezala, «seigarren kuadroetik zail da ezer egitea». Aurrean jokatzeko atzean nagusitu egin behar da, «atzelariak neka arazi behar dira gero aurrean tantua bukatu ahal izateko».

Nafarraren hitzetan ikus daitekeenez, biharko partidua luze joan daiteke. «Gaur egun tantua erabakitzeko ez da erraza, pilotariak oso ondo prestatzen dira eta pilota txar ugari jasotzen dituzte». Julian Retegi ahalik eta gehien eustearen alde agertzen



Julian Retegi. CARLOS VILLAGRAN

da, «arriskatzeko dabilena tantua galdu egiten du, eta tantu horrek asko balio du. Bi orduko partidua jokatu behar baldin bada jokatu dugu, horretarako gaude».

Biharko partidurako Julian Retegik ez du pronostiko garbirik, eta bi bikoteek aukera berdinak dituztela uste du, «%50an gaude».

Karteldegia

Gaurko partidua

GALARRETA. 16.00.

Larrañaga - Zestau II / Urkia - P. Lekunberri. Elizalde II - Mujika I / Matxin II - Agerre. Genbe - Barrenetxea / Noain - Etxeberria. Lezea - Lizaso I / Urrutia - Ulzurrun.

EUSKAL. 16.00.

Arroyo - Urretabizkaia / Ezkurra - Eki-za. Intxauburu - Zubeldia / Urretabizkaia - A. Lekunberri. Aseginolaza I - Zestau I / Arregi - Ezkurdia II. Rekalde - Auzmendi / Altuna - Astrain.

DEPORTIVO. 16.30.

Garma - A. Zulaika / Agirre - Astola. Iturzaeta - Lizardi / Iriondo - Alustiza - Torre. Arribilaga - Langarika / Isusi II - Goldarazena. Lekue - Otxandiano / Landea - Maruri.

Biharko partidua

ANOETA. 22.30.

Intxauburu - Berna / Jaunarena - Retegi IV. Eskuz Binakako Finala: Retegi II - Arretxe / Salaberria - Galarza III. Arteaga - Maiz II / Ariznabarreta - Martinikorena.